

Ibuku rĩa Ngai kũrĩ ciana  
nĩrĩrakũrehera



Nuhu na  
Mũiyũro Mũnene



Rwandĩkĩtwo nĩ: Edward Hughes

Rũthathaũrĩtwo nĩ: Byron Unger; Lazarus

Rũharĩrĩrio nĩ: M. Maillot; Tammy S.

Rũtaũrĩtwo nĩ: Christian Lingua

Rũtungĩtwo nĩ: Bible for Children  
[www.M1914.org](http://www.M1914.org)

©2018 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,  
angĩkorwo ti rwa kwendia.



Nuhu arĩ mũhoi Ngai.  
Andũ arĩa angĩ othe  
nĩmamenete Ngai na  
matiamwathĩkagĩra.



Mũthenya ũmwe, Ngai  
akiuga ũndũ warĩ wa  
kũmakania. Akĩĩra Nuhu  
atĩĩrĩ, "Nĩngũnina rũruka  
rũrũ rwaganu na no nyũmba  
yaku tu ĩkahonokio."



Ngai akĩira Nuhu atĩ kwĩna mũiyũro mũnene  
ũgũka ũiyũre thĩ. Ngai akĩmwatha akĩmwĩra,  
"Aka thabina nene ya mbao, ĩrĩa ĩkũiganĩra  
andũ a nyũmba yaku na nyamũ nyingĩ."

Ngai akĩira Nuhu ũrĩa agĩrĩrwo  
nĩgwaka thabina ĩyo. Nuhu  
akĩambĩrĩria  
kũmĩaka.





Nogũkorwo andũ  
nĩmanyũrũragia Nuhu  
rĩrĩa amataragĩria  
gĩtũmi gĩa gwaka  
thabina.

No Nuhu  
agĩthĩĩ na  
mbere gwaka  
na kũmahunjĩria.  
Gũtirĩ mũndũ  
wamũthikĩrĩirie.



Nuhu aarĩ na wĩtĩkio  
mũnene. Nĩetĩkĩtie  
Ngai ona gũtuĩka mbura  
ndĩoirĩte mbere ĩyo.  
Thutha ũcio, thabina  
ĩkĩrĩka na ĩgĩeterera  
kũbokerwo irio.




Thutha ũcio, nyamũ cigĩũka. Ngai akĩrehe  
nyamũ mũgwanja cia mĩthemba ĩmwe, na igĩrĩ  
cia mĩthemba ĩngĩ.





Nyoni iria nene na nini, nyamũ iria nguĩ na ndaihu, ciothe cikĩerekera thabinainĩ.



Nogũkorwo andũ acio nĩmarumaga  
Nuhu rĩrĩa aingĩragia nyamũ  
icio. Matiatigire kwĩhĩria  
Ngai na matioririe  
kana no maingĩre  
thabinainĩ.






Thutha  
mũtheri, nyamũ na  
nyoni ciothe cikĩingĩra.  
Ngai akĩnyita Nuhu ũgeni  
akĩmwĩra, "Ingĩrai thabinainĩ,  
we na nyũmba yaku."





Nuhu,  
mutumia  
wake, aariũ  
ake atatũ hamwe na  
atumia aao, oothe makĩingĩra  
thabinainĩ. Ngai agĩcoka  
akĩhinga mũrango!





Mbura igĩcoka ãkiura.  
Mbura yarĩ nene mũno  
ĩrĩa yaurire matuku  
mĩrongo iina, ũtukũ na  
mũthenya.





Mūiyūro  
ũkĩhumbĩra  
matũūra mothe.


Rĩrĩa mbura yakĩire, ona irĩma  
nĩciahumbĩrĩtwo nĩ maĩ. Kĩndũ  
gĩothe kĩahuhagia rĩera, gĩgĩkua.






O ũrĩa maĩ mathiaga  
mambatĩrĩte, noguo  
thabina yareraga igũrũ  
rĩa mo. No gũkorwo  
nĩkwarĩ na nduma thĩinĩ  
wa thabina, nogũkorwo  
nĩmarũgarũgagio, na hiihi  
nĩmetigagĩra. No thabina  
ĩyo ĩkĩhonokia Nuhu  
kumanagia na mũiyũro.



A vibrant, stylized illustration of a landscape. In the upper left, a bright yellow sun with rays shines over a white cow. The cow is positioned in the foreground, with its body and legs visible. To the right of the cow, a brown, rectangular structure, possibly a manger or a small building, sits on a grey, rocky ground. In the background, there are green hills and a blue sky. The overall style is simple and colorful, with bold outlines and flat colors.

Thutha wa mīeri ĩtano ya mūiyūro,  
Ngai agītūma rūhuho rwa kūniaria maĩ.  
Thabina ĩkĩrūgūma irĩmainĩ cia Ararati.  
Nuhu agĩikara thĩiniĩ wa thabina  
mĩthenya ĩngĩ mĩrongo ĩna, o maĩ  
macio magĩthĩĩ  
na mbere  
kūhwa.





Nuhu agĩtũma ihuru na ndutuura kũhĩtũkĩra ndirica ya thabina. Nĩũndũ wa kwaga handũ hatheru ha kũhurũka, ndutuura ĩgĩcoka kwĩ Nuhu.





Thutha wa kiumia  
kĩmwe, Nuhu akĩgeria  
rĩngĩ. Nduuura ĩgĩcoka  
na ihuti rĩa mũtamaiyũ  
mũkanyĩnĩ wayo. Kiumia  
kĩrĩa kĩaarũmĩrĩire, Nuhu  
akĩmenya thĩ nĩ nyũmũ  
nĩtondũ ndutuura  
ndĩacokire.




Ngai akĩira Nuhu atĩ kahinda nĩgakinyu  
ga kuuma thabina. Nuhu na nyũmba  
yake magĩteithania kũruta nyamũ  
icio thabinainĩ.



Hihi Nuhu aiguaga  
akenete atĩa!


Agĩaka kīgongona  
na agĩthathaiya  
Ngai ũrĩa  
wamũhonokirie  
hamwe na nyũmba  
yake kumanagia  
na mũiyũro ũcio  
warĩ mũũru.





Ngai  
akīhe Nuhu  
kīrīkanīro  
kīa magegania.

Akīmwīra ndagatūma  
mūiyūro rīngī wī ta  
njīra ya gūtuīra  
andū cira nītondū  
wa mehia mao.



Akīheana  
rūūri rwa  
magegania rwa  
kūmūrirkanagia  
kīrīkanīro kīu gīake.

Mūkūūnga nīguo  
warī rūūri rūu rwa  
kīrīkanīro kīu Ngai  
aheanire.

Nuhu na andũ  
ake makĩambĩrĩria  
ũtũũro werũ, thutha wa  
mũiyũro ũcio. Thutha ũcio,  
rũciaro rwake rũgĩtherema  
thĩ yothe. Andũ a  
mabũrũri  
mothe

maumire kuma  
kũrĩ Nuhu na ciana ciake.



Nuhu na Mũiyũro Mũnene

Rũgano kuma Kiugoinĩ kĩa Ngai,  
kĩrĩa kĩ Ibukuinĩ rĩa Ngai,

rũrĩ thĩinĩ wa

Kĩambĩrĩria 6-10

"Ciugo Ciaku ciatarĩrio nĩrehaga ũtheri."

Thaburi 119:130





Mãico



Rũgano rŭrũ, rŭrĩa rumĩte Ibukuĩnĩ rĩa Ngai,  
rŭratũmenyithia igŭrũ rĩa Ngai witũ wa magegania,  
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.  
Mũcara wa mehia nĩ gĩkuũ, no Ngai nĩakwendete mũno makĩria  
nginya agĩtũma Mŭrũ wake wa mũmwe, Jesũ, nĩguo oragwo  
mũtharabainĩ na aherithio nĩtondũ wa mehia maku. Nĩacokire  
akĩriũka na akĩinũka mũcĩĩ igŭrũ kwa Ngai! Ũngĩtĩkia Jesũ na ũmũrie  
akuohere mehia maku, nĩegwĩka ũguo! Nĩegũka na atũre thĩinĩ  
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:  
Mwendwa Jesũ, nĩndetĩkia atĩ wĩ Ngai, na nĩwatuĩkire  
mũndũ nĩguo ũkue nĩtondũ wa mehia makwa, na rĩu wĩ muoyo.  
Nĩndakũhoya ũũke mũtũrĩreinĩ wakwa na ũnjohere mehia makwa,  
nĩguo kuma rĩu, ngĩe na muoyo mwerũ, na mũthenya ũmwe ngoka  
ndũranie nawe tene na tene. Ndeithia gũgwathĩkagĩra na  
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o  
mũthenya o mũthenya! Johana 3:16

